

AC-Fuldmægtigi imaluunniit Specialkonsulenti data- leriffiusumi, analyse-leriffiusumi aammalu suliaasaqarfiit akimorlugit projektinik ingerlatsiviusumi atorfirmut Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmut

Sulilerfissaq pr. 1. september 2026 imaluunniit sukumiinerusumik isumaqatigiissuteqarnikkut. Afdeling for Økonomi, Personale & Studieforvaltning ilinniartitaanerup iluani angusanut ineriartortitseqataasussamik nukittorsaaqataasussamillu nutaamik suleqatissarsiorpoq. Suleqat suleqatiminut naaperiaasinnaassusilik suleqateqallaqqissorlu politikikkut aqunneqartumi suliffeqarfimmi ingerlalluarsinnaasoq, piginnaasaqarfiillu databehandling, analysearbejdet aammalu tværgående projekter iluini pikkoriffilik pisariaqartipparput. Ilinniartitaanerup ineriartortinnissaa pingaartinneqarpoq, tamat ilinniartitaanikkut periarfissaqarnissaat taamaaliornikkullu suliffeqarfiit ilinniarluarsimasunik sulisoqarnissaat qulakkeermallugu. Kulturimut aningaasaliissutit inuiaqatigiit ataatsimut pigisaattut ineriartortittuarnissaa qulakkeerneqarnissaanut avaqqunneqarsinnaanngitsutut isigineqarput. Timersornermut aningaasaliissutit timersornermik ingerlateqartunut apuuttarnissaat ujarorneqarpoq, timersorneq inooriaaseq aallaavigalugu inuunerluutinut illuatungiliisussatut aqutitut isigineqarmat. Taamatuttaarlulageeqarneq inuiaqatigiit sannaanut ilaalluurtuuvog. Aningaasaqarnermut Immikkoortortaq kikkut tamarmik aaqqissuussaannerut nutaamik eqqarsarluni aaqqiissuteqarnissaanik periarfissillugit suleqatigeeriuseqarpoq. Ataqatigiissaarluakkamik suleriuseqaruit, suleqatigiissuteqarnermut sammisuullutit tunngaviusumillu aningaasaqarnermut paasisimasaqarlutit, immaqavaog tassa illit aningaasaqarnermut immikkoortortami suleqatitaassarput.

Illit inuttut piginnaasatit:

Suleqat suliaminut tunniusimalluortoq, eqimattakkaani sulinermik piginnaanilik piumassusilillu, taavalu inerikkiartornermik pingaartitalik ujarortarput. Illit sullarissog sulianillu nuannarinnillutit qajannaatumik tunniusserusuttartoq, suligaangavillu aaqqissuulluakkamik suleriisilik ujarpatsigit. Allaffissornerup iluani ulluinnarni suliaasat saniatigut ineriartortitsinermik politikikkullu sullissinermik suliaqartussa.

Takorussupparput:

- Naleqquttumik akademikeritut kandidatimik ilinniagaqartuusutit, assersuutigalugu Cand.Polit., Cand.Scient.Adm., Cand.Oecon. imaluunniit Cand.Merc.
- Assingusumik suliaqarnermik misilittagaqartutit imaluunniit pisortani atorfeqarnikuusutit.
- Økonomimut silappaarissuusutit ilaatigut økonomimi analysenik suliaqarsinnaassuseqartutit.
- Kvantitativimik suliaqarnermik misilittagaqartuusutit, pingaartumik statistikkilerinermik databasenillu suliaqarnermik misilittagaqartutit.
- Suleriutsinik systematiserisinnaassuseqartutit.
- Piffissap sivikitsup iluani paasissutissarpasuit pulaffigisinnaagitit, taakkulu inuppassuarnut paasinartunngorlugit ingerlatitseqqiisinnaasutit.
- Inuiaqatigiit kalaallit pillugit Kalaallit Nunaannilu pisortat aaqqissuussaannerat pillugu ilisimasaqartuusutit.
- Oqaatsitigut piginnaasaqarluartuusutit, takorusussinnaavarput kalaallit oqaasiinik tuluillu oqaasiinik piginnaasaqarluartuusutit.
- Suliat ajornakusoortut qulaaniit takunnissinnaassuseqarlutit ingerlassinnaagitit, paasissutissallu paasinartunngorlugit erseqqissuliorlutit politikikkut aalajangiiffissaliorsinnaasutit.
- Økonomistyring nalunngisaqarfigigit, Excel-imilu superbrugeriusutit.

Suliaasat aalajangersimasut:

- Naalakkersuisoqarfiup akisussaaffigisaa tamakkerlugu data-nik ineriartortitsineq ingerlatsinerlu.
- Analysenut nalunaarusiornernullu ikiunnerit, assersuutigalugu inuusuttut malinnaavigisariaqartunut piumalersitsinermik aaqqissuussiniarnermi politikikkut sulinermut

attuumassutilimmi.

- Ineriartortitsinermit projektinik datalerinertalinni datalerinertaqanngitsunilu ingerlatsineq.
- Suliassaqarfiit akimorlugit ineriartortitsinermit projektinut peqataaneq, aamma nunat tamalaat akornanni ilinniartitaanerup iluani suliaqarnerit allat.
- Notatiliorerit, politikikkullu akissusiornerit, oqaaseqaasiornerit, tusagassiutilerinerit il.il.
- Aalajangiiffissiornerit, politikkiliornerit, strategiiliornerit, suliffeqarfiullu atugassaanik malittarisassiornerit.
- Suleqatit qaninnerit paasissutissanik avitseqatigiittarnerini ilaaneq.
- §37-akissuteqaasiornerit, susassaqarfiullu iluani avataanit apeqquaqartunut akissusiornerit.
- Suleqatigiissitanut peqataanerit, suliffiup iluani imaluunniit Naalackersuisoqarfiit akunnerini pisortaqarfiillu akunnerini.
- Naalackersuisumut politikikkut sullissinerit, taamatullu Naalackersuisut tamarmiusut ilinniartitaanerup iluani apeqqutinik suliaqarnerini sullissineq.
- Ilinniartitaanerup, kultureqarnerup, timersornerup ilageeqarnerullu tamarmiusup iluani controlling aamma naatsorsuutinik sukuiaaneq.
- Suleriutsinik ineriartortitsinerimut pisariillisaanermullu peqataaneq.
- Naalackersuisoqarfimmit naalackersuisoqarfiup ataani ingerlatsivinnut inassutinik ilitsersuutinillu paasissutissiinermik suliaqarneq.
- Aningaasaqarnermut, naatsorsueqqissaanermut naatsorsuuserinermullu tunngasunik sulianik ataasiakkaanik suliaqarneq.

Atorfimmi sunnuteqaqataanissamik akissusaaffeqarnissamillu periarfissalimmi sulianillu assigiinngisitaartunik imalinnik suliaqarnissamik periarfissaqarpoq, taamatullu suleqatigiilluarnermik suliallu pillugit avitseqatigiinnissamittaapq periarfissaqarluni.

Aningaasarsiat atorfininnermilu atugassarititat

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamat akiliunneqarnissamat pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Toqqagassamat tulluussarluarsimasumut ukiuni arlalinni misilittagalimmut, immikkut nalilersuereernerup kingorna, atorfininneq specialkonsulentit atugassarititaat aallaavigalugu pisinnaavoq. Ukiuni arlalinni pecialkonsulentit misilittagalimmut, immikkut nalilersuereernerup kingorna, atorfininneq chefkonsulentit atugassarititaat aallaavigalugu pisinnaavoq.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigungmiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppersaaitit kiisalu paasissutissat allat pisariaqarsinnaasut "qinnuteqaat nassiuguk" toorlugu nassiutikkat.

E-mail-ikkut qinnuteqaatinik tigusineq ajorpugut.